


مکتبہ اسلامیہ

۱۸ جلدی سنہ

سنہ ۱۳۱۶

جزء، عدد : ۷۷





گریدك احوال عمومیه و تاریخیه سی

(مابعد عن جزؤ ٧٦)

٢

اسفاکیه سنجاغی

اسفاکیه سنجاغك مركزی واموس قصبه سی اولوب حاوی اولدینی قضاالر
دخی آقرون ، اسفاکیه و آبی واسیل قضاالریدر . سنجاغی مرکزی اولان واموس
قصبه سی آقرون قضااسنده کان و متصرف اورداده اقامت ایتمکده اولمسيله قضای -
مذکورده آبروجه قائم مقام بولغوب قائم مقامق وظائفی متصرف طرفیدن ایفا اولنور .
آقرون قضاسی اوج ناحیه یه منقسمدر . قضای مذکورك حاوی اولدینی قرانك
عددی ایسه ٦٢ یه بالغدر .

بر قائم مقامق تشکیل ایند اسفاکیه قضااسنك مركزی آمپروز یالو قصبه سی
و حاوی اولدینی قرا دخی یالگزر یگر می آلتی دز . مع مافیه اشبو قرانك یکدیگرندن
اوزاق بولمقلقی حسبيله تسهیلات اولمق اوزره قضای مذکور آلتی ناحیه یه تقسیم
اولمشدر . اسفاکیه قضاسی غایت سنکستان اوله رق قابل زرع اراضیسی پك
آزدر . اهالیسی دخی صرف خرستیان اولسندن طولایی قضاانك بالجله مأمورین
ملکيه وعدلیه و سارمه سی خرستیاندر . اسفاکیه قضااسنك ونديك اداره سنده بعض
امتيازات مخصوصه سی بولمش اولدینی گبی ، بمداقق دخی طرف سلطنت سنیه دن
قضای مذکورده مساعدات مخصوصه ویرلمش ایدی . بر مدت قضای مذکور اهالیسی
حرمین اهالی کرانه توزیع اولمق اوزره سنوی یالگزر بش بیك غروش ووروب

سائر هر درلو و برگو و تکالیفدن معاف طو تیش ایدی . اخیراً دخی قضانک طاغستان اوله رقی زراعتیه صالح اراضیده بولنامسی و بناء علیه اهالیسنک زراعتدن استفاده ایدمه میوب فقر حاله دوچار بولنامسی ماده لری نظر مطالعیه آلته رقی اسفا کیه لیلرک هر درلو تکالیفه مقابل جزیره مال صندوقه سنوی مقطوعاً ۴۸۰۰۰ غروش و بر ماری مجلس عمومی ولایتجه قرار گیر اقمشد .

آنی واسیل قضاسنک مرکزی اسپیلی قریه سی اولوب کذلک بر قائم مقامق تشکیل ایدن اشبو قضا درت ناحیه یه منقسم واللی درت قریه یی حاویدر :

۳

رسمو سنجاغی

رسمو سنجاغنک مرکزی آبروجه بر ناحیه اعتبار اولنان رسمو شهری و حاوی اولدینی قضالر رسمو و آماری و میلو پو طامو قضالری در .

رسمو قضاسنده آبروجه قائم مقام بولمیب قائم مقامق وظیفه سی رسمو متصرفی طرفدن ایفا اولمقده در . لواء مذکور آلتی قضایه منقسم و ۸۳ قریه یی حاویدر . آماری قضاسی بر قائم مقامق اعتبار اولته رقی مرکزی نفس آماری قریه سیدر . قضای مذکور اوچ ناحیه یه تقسیم اولنوب ۴۱ قریه یی حاویدر .

میلو پو طامو قضاسی کذلک بر قائم مقامق اعتبار اولنوب مرکزی بر اما قریه سیدر . قضای مذکورک آلتی ناحیه سی و ۹۸ قریه سی واردر .

آمارق قضاسنده آبادیا نامیله معروف بر قاچ کوی بولنوب بؤ کویلرک اهالیسی تمامیله اسلامدر . بونلر جزیره عربلرک اداره سنده بولدینی زمانده اورایه کیدوب وطن ایتمش اولان عبادیه طوائفک فروغندن اولدقلری حقنده بر روایت واردر .

۴

قندیه سنجاغی

قندیه سنجاغنک مرکزی آبروجه بر ناحیه اعتبار اولنان قندیه شهری اولوب

قضالری دخی پذیه و مالویز و تمنوس و پیرو تیجه و کنوریو و منوفاج مع ریزو
قضالریدر .

قندیه خارجنده طوب آلتی نامیله پک واسع اراضی وارد . قندیه شهری
ابتدای امرده جزیره یی استیلا ایدن عربلر طرفدن تاسیس اولنه رق بدنلر ایله
احاطه اولمش و بدنلرک اطرافنده دخی بیوک خندق آچلمش اولمسندن طولانی شهر
مذکوره « الحندق » اسمی ویرلمش ایدی . جزیره وندیك حكومتك اداره سینه
چككدن صكره وندیكلولر شهری توسیع و یكی بدنلرله احاطه ایدرك واسکی اسمی
اولان « الحندق » کله سنی تحریف ایله شهر جدید Candia قندیه اسمی ویرمشاردر .
اول زمان قندیه شهری قلعه لرینك متانت فوق العاده سی حسبیه پک مهم بر نقطه
عد اولمسندن ودقت عمومی کریڈک آنجق شو نقطه سینه معطوف بولمسندن طولانی
Candia اسمی عموم جزیره یی ویرلوب فرانسلر دخی Candia یی کندی شیوه .
لسانلرینه توفیق ایله Candie قندی تسمیه ایش اولدقلى كې بواسمی عموم جزیره یی
دخی ویرمشار و آلآن کریڈی كاه ile de Crête و كاه ile de Candie یعنی جزیره .
کریڈ و یا جزیره قندیه نامیله یاد و تحریر ایتكده بولمشاردر . فحدنبرودخی Candia دن
« قندیه » اسمی یا یلوب شهر مذکوره ویرلمش و عموم جزیره یی ایسه عربلرک
« اقریطس » دیو استعمال ایتدكلى اسمدن یا بلش اولان « کریڈ » نامی ویرلمش
و جزیره آلآن دخی بوا وجهله تسمیه اولمقده بولمشاردر .

برمنوال مشروح عربلرک زماننده یا بلش بدنلرک بر قسمی حالا شهرک همان
اورته سنده گوریلور .

پذیه قضاسی بر قائم مقاملق اعتبار اوله رق مرکزی قستل قصبه سیدر . قضای
مذکور بش ناحیه یی منقسم و ۵۰ قریه یی حاویدر . مالویز قضاسی تمنوس قضاسیله
برابر بر قائم مقاملق تشکیل ایدرك قائم مقاملغك مرکزی مالویز قضاسنده كان
آیوس میروت و جتال شکلنده ایکی تپه اوزرنده بولمسندن طولانی تر کجده جتال کوی
دیسلان قریه در .

مالویز قضاسی اوچ و تمنوس قضاسی ایسه ایکی ناحیه یی منقسمدر .

مالور قضااسنك قراسی ۲۹ و تمنوس قضااسنك قراسی دخی ۱۵ در .
 پیرویجہ قضاسی دخی کنوریو قضااسیلہ برابر بر قائمقاملق تشکیل ایدرک
 اشبوایی قضا ایله منوفاج قضااسنك بر قسمی مسارا دینلان جہتی تشکیل ایلکده در .
 پیرویجہ و کنوریا قائمقاملقنك مرکزی پیرویجہ قضااسنده کان میرہسی قریہسی
 اولوب شوایی قضاانك برنجیسنده ۲۱ وایکنجیسنده ۵۶ قریہ واردر .
 پیرویجہ قضاسی بر و کنوریا قضاسی ایسہ اوچ ناحیہی حاویدر .
 منوفاج قضاسی آنفا بیان اولدینی اوزرہ ریزو قضااسنك بر پارچہسیلہ برابر
 بر قائمقاملق اولوب مرکزی منوفاج قضااسنده کان پیروغوس قریہسیدر . مذکور
 قائمقاملق دائرہسندہ بش ناحیہ و ۱۱۱ قریہ واردر .

۵

لاشید سنجاغی

لاشید سنجاغنك مرکزی (نہ آپولیس) و ترکجده (یگی شهر) دینلان جدید
 قصبہ اولوب حاوی اولدینی قضاالر دخی مرامللا و لاشید و ویانوس و یرہ پترہ و استیہ
 قضاالریدر . گرک مرامللا و گرک لاشید قضااسنده قائمقام بولنجیوب ہرایی قضاانك
 امورادارہسی سنجاغ متصرفی طرفندن ایفا اولمقده در .

سنجاغ مرکزی اولان یگی شهر مرامللا قضااسنده کان اولوب اشبو قضا بش
 و لاشید قضاسی دخی ایکی ناحیہہ منقسم اولوب مرامللا قضاسی ۴۳ و لاشید
 قضاسی ۲۰ قریہی حاویدر .

ویانوس قضاسی ریزو قضااسنك قسم اعظمندن مرکب بر قائمقاملق اولوب
 مرکزی ویانو قصبہسیدر . مذکور قائمقاملق دائرہسی اوچ ناحیہی و ۲۵ قریہی
 حاویدر . راپترہ قضاسی کذلک بر قائمقاملق اولوب مرکزی یرہ پترہ قضااسیدر .
 قضای مذکورده اوچ ناحیہ و ۲۲ قریہ واردر .

بر قائمقاملق تشکیل ایدن استیہ قضااسنك مرکزی استیہ قصبہسی اولوب
 ناحیہلری دخی بش و کویلری ۶۸ در .

لاشید سنجاقانہ مربوط اسپرلقہ قصبہ سی دخی آروجه بر ناحیہ اعتبار اؤلشمشدر .
 قصبہ مذکورہ ونیدیکن قالمه بدنلر ایله محاط اؤلوب ایچنده غریب شکله صهرنجلر
 و مغازلر واردر .

سنجاق اعتبار ایله مقدار نفوسی بروجہ آتیدر :

سنجاقلرک اسملری	مقدار نفوسی
حانیہ سنجاقی	۶۱,۴۷۳
اسفاکیه »	۳۰,۸۸۷
رسمو »	۴۶,۵۹۱
قندیه »	۸۷,۹۶۵
لاشید »	۵۲,۲۷۶
	۲۷۹,۱۹۲

یکون عمومی

اشبو جدولده هر سنجاق ایچون مرقم نفوس مقداری ، نفوس حقنده اولان
 ۷ رقلی فقرده بیان اولندیغی وجه اوزره ۱۸۸۱ سنه میلادیه سنده اجرا قلنان
 تحریر نفوس نتیجه سنده تبیین و تحقیق ایتمشدر .

(مابعدی نسخه نالیده)

شورای دولت ملکبه دائرہ سی اعضاسندن

آندریا قوپاسی

